

**Date:** 28 March 1563

**REF:** GD112/39/2/14

**Place:** Dundee

**From:** Archibald Campbell, 5th Earl of Argyll

**To:** Colin Campbell of Glenorchy

**Address:** To our traist cousing Colin Campbell of Glenvrchay

Cousing efter hartlie commendatioun. I resavit zour writting and as concerning ye deliverans of ye letters thay war deliverit to ye Thesawrar and trewlie I culd do no farder diligens in getting yame deliverit becaus I am nocht instantlie in court bot in Dunde heir and wilbe in Sanct Andros ye morne. And gif ye letters be nocht deliverit be ye Thesawrar I sall caus hest yame with diligens and sall schaw to the Quenis Majeste of ye contenvans of yame sa lang. For yairis na man yat wald rather ye furtherans of yat mater nor I. Merour I sall commend zow to my Lord of Mvrray to quhome I dowl nocht it wilbe acceptable. Gif I find my Lord off Atholl befoir ye consall I will nocht pretermit to complene vpoun him. Prayand zow to be vigilant in ye mein tyme and to tak guid hed quhair ze may apprehend ony of ye Clangregoris. And ye sall nocht want ony supple or help yat we may do. And God preserve zow. Of Dunde ye xxviij day off Merche 1563.

Zouris

Archibald Eryll

[PS] Commend ws to zour bedfallow.